



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK



Tel: 032 650 022 [www.opcina-tesanj.ba](http://www.opcina-tesanj.ba)  
032 650 547 E-mail: [optesanj@bih.net.ba](mailto:optesanj@bih.net.ba)  
Fax: 032 650 220 [fuad.sisic@opcina-tesanj.ba](mailto:fuad.sisic@opcina-tesanj.ba)

Trg Alije Izetbegovića 11,  
74260 Tešanj

Broj: 02-34-1-845/12

Datum: 13.03.2012. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03 i 34/03), člana 49. stav 2. Zakona o pravobranilaštvu („Službene novine Zeničko-dobojskog kantona“ broj 14/08), i člana 30. Statuta Općine Tešanj („Službeni glasnik Općine Tešanj“ broj 11/07) Općinski načelnik objavljuje

## **JAVNI KONKURS za imenovanje općinskog pravobranioca**

### **I NAZIV POZICIJE**

- Općinski pravobranilac Općine Tešanj i Doboj Jug ..... jedan (1) izvršilac

### **II OPIS POSLOVA:**

Poslovi i zadaci općinskog pravobranioca su da:

- rukovodi radom pravobranilaštva, stara se da svi poslovi i radni zadaci obavljaju zakonito, stručno i blagovremeno;
- predstavlja pravobranilaštvo pred drugim organima i organizacijama;
- preduzima mjere za unapređenje organizacije rada općinskog pravobranilaštva;
- učestvuje u radu u svim predmetima u općinskom pravobranilaštvu;
- izrađuje godišnji izvještaj o radu općinskog pravobranilaštva, te radi na drugim analizama, informacijama i izvještajima;
- donosi pravilnik o unutrašnjoj organizaciji, te učestvuje u donošenju ostalih normativnih akata općinskog pravobranilaštva;
- daje pravna mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima u vlasništvu općina Tešanj i Doboj Jug;
- zastupa općine Tešanj i Doboj Jug pred stranim sudovima, arbitražama i drugim stranim organima i organizacijama ako načelnici općina drugačije ne odluče;
- obavlja i druge poslove i zadatke za koje je ovlašten prema zakonu o pravobranilaštvu ili po naredbi općinskog načelnika.

### **III OPĆI USLOVI**

Svi kandidati dužni su ispuniti sljedeće uvjete:

- da su državljani Bosne i Hercegovine,
- da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- da se na njih ne odnose odredbe člana IX. 1 Ustava Bosne i Hercegovine,
- da nisu „kandidat koji se ne kvalifikuju“ iz člana 5. Zakona o ministarskim, vladinim i drugim imenovanjima FBiH (Službene novine FBiH“ broj 12/03 i 34/03).

### **IV POSEBNI USLOVI:**

Svi kandidati su dužni ispuniti posebne uvjete:

- VSS/ VII stepen stručne spreme diplomirani pravnik,
- položen pravosudni ispit,

- najmanje 3 (tri) godine radnog iskustva nakon položenog pravosudnog ispita na pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim osobama.

**Uz prijavu na javni konkurs kandidati su dužni priložiti (original ili ovjerenu kopiju):**

- biografiju, adresu i kontakt telefon,
- uvjerenje o državljanstvu (ne starije od 3 mjeseca);
- kopiju lične karte;
- diplomu o završenom fakultetu,
- uvjerenje o položenom pravosudnom ispitu,
- uvjerenje o radnom iskustvu,
- ovjerenu izjavu da nije otpušten/a iz državne službe na bilo kojem nivou u Bosni i Hercegovini kao rezultat disciplinske mjere u periodu od tri godine prije objavljivanja javnog konkursa,
- ovjerenu izjavu da nije obuhvaćen/a članom IX. 1 Ustava BiH,
- ovjerena izjava da nije obuhvaćen članom 5. Zakona o ministarskim, vladinim i drugim imenovanjima FBiH (Službene novine FBiH“ broj 12/03 i 34/03).

Sa kandidatima koji budu ispunjavali sve potrebne uslove bit će obavljen intervju, a kandidat koji bude izabran dužan je u roku od 8 (osam) dana dostaviti uvjerenje o radnoj sposobnosti.

Javni konkurs će se objaviti u „Službenim novinama Federacije BiH“, dnevnom listu „Oslobođenje“ i web stranici Općine Tešanj.

Prijavu na konkurs, odnosno sve tražene dokumente treba dostaviti u roku od 15 dana od objave javnog konkursa u „Službenim novinama FBiH“, na adresu:

**Općina Tešanj, Trg Alije Izetbegovića 11,74260 Tešanj, sa naznakom: „Prijava na javni konkurs za imenovanje općinskog pravobranioca“.**

Nepotpune, neblagovremene i neuredne prijave neće se uzeti u razmatranje.

**Dostavljeno:**

1. „Službene novine Federacije BiH“
2. „Oslobođenje“
3. Web stranica Općine Tešanj
4. Arhiva

**OPĆINSKI NAČELNIK**  
**Fuad Šišić, dipl. ing. maš.**